

Abonnement pour un an.

300 piastres

Edition spéciale 500 ptrs.

Adresse:

"IDJTIHAD," Constantinople.

Téléph. St. 865

XXII^{ème} ANNÉE

1927, 15 Janvier No 220

الاجتهاد

IDJTIHAD

علمی ، ادبی ، اقتصادی مجموعہ

آبونمان : سنه لکي [۲۴ نسخہ]

تورکيا ايجون ۲ ، خارج ايجون
۳ ، اعلا کاغدايسي ۵ ليرادر .

اداره خانه سي :

بغال اوغلنده « اجتهاد نهوي »

تلفون : استانبول ۸۶۵

يکرمي ايکينجي سنه

نومرو ۲۲۰-۱۵ کانون ثانی ۹۲۷

اوف مکتوبی

برسنه اول صوئوق، قارلی، یاغمورلی بر کونده
آرابه ایله « طربزون » دن « بایورد » ه کیدیوردیم .
فاصله سزیاغان رحمت، طاعلردن اریوب صیزان قارلر شوسه یی
چامور دریاسی حاله صوقش، برچوق یرنده چوکوتیلر،
یاریقئر حصوله کتیرمشدی . درین قارا کلک اوچورو ملره
یووارلانماق ایچون، یولک بوزوق محالرینی یورویه رک
کیمکه مجبور قالمشدم . زیراخت اجتماعلردن قوپوب کلن
سیلرک تخریباتی پک قورقونج و تهاکلی ایدی . اوفاق
بر دقتسزلک، حیوانلرک اورکمه سی بویوک بر قضا
چقارده بیاردی . بوسبله یاغموره، چاموره و یورغولنه
باقه یه رق قوجه « زغانه » یی باشدن باشه یایا کچمشم .
پیس وایسیدن سیم سیاه اولمش قرانلق خان کوشه لرند
کونلرجه سوروندکن مخوف و آجی اوغولتولر یاپارق
أسن متهور، چیلغین فرطنده ساعتلرجه تیترده ککن
صوکرا، (بایورد) ه پک یورغون واصل اولدم .
اون کون اول، استانبول دونمک ایجاب ایتدیکی
زمان، « زغانه » یی آشارکن چکدیکم اذیت « خمسی
کویی » نده طوتولدیغمز مدهش، بوغوجی قار تیپسی
درحل کوزومک اوکونه کلدی . الکیسه طریق اولدیغنی
او کرندیکم « بایورد » ه اوف یولندن عودتی موافق کورد .
مارتک ایکنجی کونی، ساعت اون درت بوچوقده
« ذهنی » نک « جوی روح » دیدیکی حزین و حسلی
کوزدل جوروحی تعقیبا یوله چیققد . وادی بوینجه اوزانان
کادطاشلق، کاه قارلی تپلر بول بر آیدینلق ایچنده پارلیور
طبیعت صانکه؛ قسونلی وقرانلق قیشک سرین وایصلاق
هواسیله بونالمش، نورو اراروت صاچان کونشه قاووشدیغنه
سوینیور کیدی .

محتشم و سخار و - بومتمازیتله بعضاً - تهلکه لی بر محرردر .
دوستم سلیمان نظیف آرسلانلره اوینایان واونلره حاکم
اولان بر جانباز کییی الک وحشی و غیر مونس کله لرله
اوینار، نم نظرمده ایسه کله لرک آرسلانلی آرسلانلرک
آرسلانلغندن داها هیبتلی، داها مخاطره لی و باخصوص
داها مستمردر .

درقنور عبدالله هودت

مدار اولاجق بر حالت مخصوصه اولور . بن تابوتی
کوز یاشلریله تعقیب ایتدم . اونک بنی استقلال محکمه لرینه
سوق واک آغر عاقبتلره و عقوبتلره اوغراتمق قصه دیله
اتهامات و اسناداتده بولونمش اولماسی نم اونی ابدی
منزله کوز یاشلریله تشییع ایتمه اصلا مانع دکلدر .
محبت دینک اییی و معتاد دیاقتی بودر . اون ایکی سنه اول
انتشار ایتمش اولان (نوسال ملی) نک ۲۷۸ نجی صحیفه
سنده مندرج شوسطرلری استتساخ ایله مرحوم و مغفور
دوستم حقه ده کی خاطرات محزنه و کلمات محزنه مه نهایت
ویریورم :

سلیمان نظیف بک

ایشته بر ذکا، که تماماً کندی کندینک استادی،
کندی کندینک شا کردی در . منتظم هیچ بر مکتب
کورمه مش فقط « مکتب » صاحبی اولمق قوتی کوستر مشر .
منظوم یازار، مشور یازار .

منظومه ارینک همان هیچ بری یوقدر، که ایچنده شباب
کله سی بر کره اولسون قوللانیامش بولونمایین . بوندن
استدلال ایدرم، که اوکا الهام الی اولان آتبحق شباب در،
أبدی کنجالت در، أبديتک صاحبی آغارسه ینه سلیمان
نظیفک عشق شابی برناوتوانا لاجقدر .

شاعریت اوکا دکل او شاعریت حاکم در . بوفکریمی
« او آرتیست در » دیمکه افاده ایده بیلیرم . بویه نظم
یازانلر چوقدر .

نژینه کالم، اونک کبی نر یازان هیچ چوق دکلدر،
اونک نژی یوکسک داغلرک باشندن لاینقطع دوکولان
بیوک برصو، مثلاً « اکین » شهرینک معظم « قاضی کولی » نک
ایکی بیک متریه یاقین ارتقاءن قولاق صاغیر ایدیچی
کورولتولرله آشانی دوشن بش متره قطرنده صوو کوپوک
ستونی کیی در . بو معظم ولوله و موسیقی الفاظک بیر
مخدوری واردر : انسان بو رنظنه الفاظک سخار و سخار
غلله موسیقی آلودی ایچنده مفکر دنک و محاکمه نک حصه
تنقیدی ویرمه یه میدان بولامز . قرء بر شهامت افاده و الفاظ
کردبادی ایچنه آلینارک، محررک ایسته دیکی طرفه کوتو-
رولور؛ نتیجه، موسیقی صوصد قدنصو کره، آ کلاشیلیر .
نم سلیمان نظیفدن آ کلا دیغم بودر و بکله دیکم بودر .

سچيلمه ين انكين وجهنمی کردا بلری کورنجه يتيرده مه مک،
قورقه مق بل دکل . اونه باش دوندير چي وحشی درینک !
بعض رده یولک میلی اوقادار آرتیورکه حیوانلرده بزده
ادیم آنا میورز . یوقاری چیقده حه هوا بستون سا کینله شدی .
کشیف بر سیس هر طرفی قاپلادی . اون متره اوکزی
آجق کوره بیلوردق . مغموم ، قانیق هواده ، بوا یصسر
و چیلای طاعده یولایق چوق مزعجیدی . ایچمه بر
قسوت ، بر آغیرلق چوکدی . حیوانلرک صاحی ده
صیقلمش اوله جق که آغلار کی ، یانیق بر سسله تورکی
سویله مک باشلادی :

قالقک آره یردن دومانلی طاعلر
دوست ایلنک باغچه باغی کورونسون
کلشن هجرانده قیزاردی ، باغلر ؛
عندلیه فریاد چاغی کورونسون .

« خنکه » یه یاقلا شیر کن یدی کشیدن عبارت بر
انسان قافله سنه یتشدک . یواش یواش کیدیورلردی .
هپسنگ اللرنده برردکنک ، صرترلرنده کیمک چووال
کیمک طوربه واردی . نهایتده کیدن آق صقاللی ، حال
وطوریه انسانه مرجهت و حرمت الهام ایدن دوشکون
براختیاره « صرته کده کی نه در بابا » دیدم . اطرافی ألم
و هجران چیز کیلری ایله طولو ، چوککون کوزلرینی
اویوشدیره رق :

— نه اوله جق دیدی ، بیه جک ، چولوق چوجوق
نققه سی . آدجکیزک یوزنده بویوک بر یأسک سیلنمز
ایزلری واردی ، ایچنی چکهرک دوام ایتدی :

— بزم (اوف) قصبه سنی ده ، کوره جکسک یا ،
هر طرف طاعلق قایالقدر . اکیله جک اووامز طورانمز
بایبورد کی بول دکل ، اک چوق محصول اولدیی سنه
بیله ، بزى بوتون قیش طویورده جق ذخیره ألزده کچمز . ایشته
بویله تام قیش اورته سنده بیه جکمز بیتدیکی زمان ، قار
دیمز ، چیغ دیمز بویوک کوچوک طاعلره دوکولورز .
بوزمهت چکلیز شی دکل اما ، نه یاقجسک . هر حالده
بولک بر چاره سی واردر ، فقط غالباز کوچد کدن صکرا
بولنه جق .

بواغری یانیق کچکین یولجی سویله ده ججه جوشدی ،
جوشده ججه قیزدی . عصیان و عتاب دولو کوزلرنده

سا کن و منزوی حالیه انسانه ایچین ایچین آغلایان
بر تبسم تأثیرینی یایان « مام کوی » نه کلدیکمز زمان ،
کونش باتمش ، کمو خانه یولک کر یسنده کی قارلی صرترلر
خفیف قز یلقلر کورونویوردی . حیوانلری قامچیلادق
فقط ، زوالیلرک یورغونلقدن ، بر آزده آچالقدن
یورویه جک حاللری قلامشدی . اقصام پایانسز حزی
هباتسز سکونیه یوره که بر ألم کبی ، اطرافی اورترکن
اووایی کچمش ، یوکسک تپه لرله چوریلش طاغ یولنه
کیرمشدک .

یتمز « کود کونه » کویونی طومتقدی . فقط ،
حیوانلر ای یورومدیکندن ، صابکه یولز کیتدجه
اوزا یوردی . نهایت زیفیری بر قارا کلکی چوکدی . کوز
کوزی کورمز اولدی . باته ، چیقہ یاتسی اذانی اوقونورکن ،
کویه وارده یلدک . کیجه یی « کود کونه » نک ایلری
کلنرندن ولی بکده کچیردک . صباحله یین ، هوانک قیانیق ،
فرطنه لی اولسنه باقیه رق ، ایرکندن حرکت اولوندی .
« جنجل » ده یاقلاشدینمز زمان ، بوقورقونج ، وحشی
وادی ایچنده ایصسر ، ازلی سکوتی بیرتان ، مغندوشلغنی
طولدیران بر چاک صداسی دویقد . بر آرزو کرا اوکده کی ،
آتی رنکارنک شریترلر ، بوسکولارله سوسانمش بر قافله
کوروندی . حیوانلرک یوکلری ویوزلری بیه ییاضدی .
ایلری ده قارتیبسی وارطنی ایله در حال دونمک عقلمه کلدی ،
طوردم . قافله اوکنده کیدن صاریشین ، شن بر کنج
یوزمدن ، اندیشه می آکلادی ، ایلریده نه وار نه یوق
دیمه دن :

— افندی ، قورقا ، دیدی ، شیمدیکی روز کار ،
و یاغان قار اهمیتسزدر . اصل بویوک فرطنه اکثریا
اوکله دن صو کرا چیقار . بولک ایچون بیوده یولکیزدن
دوئمه یک . یالکیز کون یوکسه لنه قادار داغی آشمغه
چالیشیک . ده ا وقت وار کیده بیلر سکیز . دیدی .

بزی اولانجه صافیت و معصومیتی ایله تأمین ایدن
بو کور بوزدلیقانی یه تشکرا یده رک ، قورقوسز ، ایلریله مک
باشلادق . لازستان سلسله جبالینک اک یوکسک شاهقه لرندن
بری اولان صوغانلی یه ، آجق یایا یولجیلرک چیقہ بیله جکی
دار و چوق دیک قارلی بریولدن ، بولوطلری یارارق ،
نهاتسز بر بیاضلق ایچنده طیرمانیورز . اوجی ، بواجی

آن اول قوناق محلنه وارمق ایچون صبر سزلانیوردم .
 بو صیرمهده چامقلر ایچنده قناره قنسی کیجی ، ظریف
 بنالری ایله « یوقاری اوکمه » کوروندی . بوراده منظره
 خارق العاده کوزلدی . آقشامک قرانلیغی ته پهلردن اتکلره
 طوغری اوزانان صیق چامقلره امثالسر بر لطافت
 ویرمشدی . هوا بستانون قرار دینی زمان کویه کیره بیلدک .
 طوغری ختار محمد افندینک اوینه ایندک . او صاحبی
 زری صمیمی ، صیجاق بر ترا کتله قوشیلادی .

صباحلین قوشلرک سسلریله اویاندق . کونش طوغمش
 قارلی چامقلری جاذب و لطیف آیدینلغه بوغمشدی .
 همان چیققد .

قیالره چارپاراق آقان طاشقین درمنک هیجانلی
 وطنان چاغلیتیی . کونشک متبسم ضیالریله یالیزلانا
 پشیللکلر . . چام اورماننک امثالسر کوزللیکی . . بهاره
 نشیده لر اوقویان چاقین بلبلرک جوبلیتیلری بوراسنی شعرا
 نکیز ، سحرکار بر باغچه به بکزه تمشدی . .

یوقاری اوکنه دن اعتبار اوروسلرک یالیزی کنش شوسه
 باشلايور . استرداددن صوکر بو یوله هیچ باقيلماش
 بونی یکیدن یاقیق میلو نلره متوقف ایکن ، نه دنسه
 محافظه خاطره کله مش . یازیق ! . چامقلر آراسنده
 چیقندن دورلش آغاجلر . خستهلق یوزندن قوبوشیل
 اورمان ایچنده سیاه بر لیکه کی صیریتان قملر . . کلشی
 کوزهل کیلیمش پارچه لر . . اوتده بریده ترک ایدلمش
 کراسته لر نظره چاریدوردی . کندی کندیمه ، دییوردم
 جنت کی دلربا بویورک بولونمز زینتی و ثروتی اولان بو چامقلر
 خستهلق و اصولسر کیلیمه یوزندن بویله ارییوب
 یته جکمی ، بونلرک دیلندن آکلایان ، دودی دیکله ی
 یوقی ؟ .

یول بر چام و چیچک قوقوسی ایچندن ، درمنک
 طاتلی و مونس آقیشنی دیکله بهرک ایلریله بورز . آره صره
 یکدیگیریندن درین خط اجتماعلرله آریلان پشیللکلره
 بورونمش ظریف و کوچوک قوش قنسی کی اولری ایله
 کویلره تصادف ایدیورز . قادینلر ، دلیقانلیر ، دیک
 قیالقلره چیقمش طوپراق پارچه لرینی چاپالامقله
 اوغراشیورلردی .

شیمشکلر چاقنه باشلادی . درد معیشت ایله مضطرب
 شوزواللی بی داهافضله متأثر ایتمه مک ایچون ، سواللریمی
 حاضرلامشکن صوصدم . فقط ، بیچاره طولونون
 وجوشتوندی دردینی دوکک ایسته یوردی . نهایت صبر
 ایدمه دی ، هیجانلی ، بوغوق بر سسله بالقان حربنده
 چتالجه ده ، حرب عمومیده چناق قلعه ده بولوندیغی ،
 آنافارطه لرده قالچاسندن یارالاندیغی ، بر اوغلنکده
 قفقاسیده قایب اولدیغی سویلدی کوزلری یاشاردی .
 سقط آیاغله بابورددن اوفه ییه جک طاشیان بوغریزاختیار
 غازیکنک آغلامه سی بی جوق متأثر ایتدی . ایچمه ده بر
 عذاب و حجاب جهنمی طونوشدیردی .

« حنکه » به کلدیکمز زمان قافله چوق یورولمشدی .
 هله قونوشدیغم اختیارک یرندن قیلدایه جق حالی
 قلاماشدی . کیجه بی بو کویده کپیره جکلردی . بر
 طورمه دق . بر ساعت کچر تکمز بر دوزلکه کلدک .
 بوراسی طاشنک الک یوکسک یری ایش . سیسندن بر طرف
 کورونموردی . کیم بیلیر بهارده بورالری نه قدر کوزهل
 اولیور . بر آز صوکر ا قانیق ، انسانه حزین و ملال
 ویرن یولمز ، کثیف بر چام اورمانی ایچنه کیردی .
 شیمدی به قدار کچدیکمز یرلر نه قدر چیللاق ، ایصمز
 وجان صیقیجی ایسه بوندن اوتنه سی اوقدر کوزهل زنکیکن
 ولطیف ایدی .

بو کوزهل حقیق جنتی بر اقوب سفیل و خاسر بر
 عدن موهوم آرقه سنده قوشدیران بدلالغمزه آغلادم .
 ایمان واراده مزه وورولمش زنجیرلری ظلمت و خرافه دن ،
 پرچینلری کذب دیاردن معمول قتل و پاصلی زنجیری
 نورارشاد و فیض ایمانپله آریتهن بویوکوبی نظیر غایمزی ،
 عصرلرجه سورن بدلالغمزک آرتیق پایانه ایردیکنی
 دوشونهرک متسللی اولدم .

آقشامک آیزی یرلری لوندیرمش ، آیاقلریمز
 قایدیوردی . حیوانلر یوکلی اولدقلری ایچون چوق
 زحمت چکیورلردی . بعضی یرده یووارلانق ته لکه سی
 زیاده لشیوردی . درحال استرلرک قویورقلرینه آصیلهرق ،
 مرکز ثقلنک موازنه سی تأمین ایدیوردق .
 ایجه اوشومشدم . هواده کیندکجه قرار یوردی . بر

مخرومدر . اک مهم اختیاجی اولان کوپریسی بیلده داها پایلمامش . مرکزده اودون ، و یاغ و سائر کتیردن قادنلر ، با اقلقدن کچمک مجبوریتده ایدیلر . منتظم بر مکتب و حکومت بنالریده یوقدر .

غیور قائم مقام احمد بک ، (اوف) ک درذنی ، آجاق اوفیلرک اقتصادی وضعیتک انکشافندن صوکر ا کنیش بر نفس آلاسه چکنی آ کلامش . بیلماز برجهده ایله ، کوپریلرک ، یوللرک تعمیر و انشاسنه چالیشوردی . اوتوزیک اینرا سرمایه ایله تشکیله موفق اولدیغی نقلیات شرکتی بویاز فعالیتته کتیرمه عزم ایتشدی . مهم تصورلری واردی . بوغیرت و همتله چالیشه جق اولورسه آ ز زمانده ایجه برایش ورده بیله چکدر .

تکمیل قضانک نفوسی سکسان بیک قدردر . باشلیجه اخراجاتی فندق ، یاغ ، مصر و فصولیته در . برکتی سنه لرده ۵۰۰ بیک کیلو فصولیته ، ۷۵۰۰۰ کیلو قدر یاغ ، بر میلیون اوقه مصر ، کلیتی مقدارده کراسته اخراج ایده بیلورمش .

قادنلرینه و کچوک چوچقلرینه وارنجه یه قدر تکمیل خلقلک تارلارده ، باغلرده چالیشملرینه بر ایکی ساعتک کوپلردن اون بش ، یکریمی غروش قزاق ایچون صرتلریله مرکزده قافله قافله اودون طاشیمه لرینه کیمکه کوروشسه کز ، زده کتسه کز بیه چک قطلغندن تارلاسراندن شکایت اتمه لرینه باقایر سه بوقضانک معیشت وضعیت جالب دقتدر .

بوراده طبیعت ، ثروت رفاهی سینه سنه کیزله مش . ایکی فیاضمه کی آقن صولاقلی ، بالطه جی دره لرندن استفاده ایدره بر آن اول صنایع حیاتی اوپاندیرمق ایجاب ایدیلور . زراعتچیلک ، بوراده اولیه چک قدر انسانک قارنی طویوریور ؛ اوف بر معدن مملکتی ، رفاه و ثروت هب طوپراغک آلتنده .

اوفده قالدیغ مرتجه ، نعمان ثابت و علی بکلرله طایشیق . یک اوپانیق و نورپرور اولان نعمان بک ، احتیاط ضابطلر مزدن بر معلول غایدر . اوفک اداری ؛ اجتماعی ، صحنی دردلرینی قورامش ، دوالرینی ده بولمش ، سویله یور و یازیور فقط ، دیکه یین وارمی بیلمم ؟ . اوفده ، اسکی روح ، اسکی اعتادک کشف و بوغوجی ظلمتی ایچنده ، کوزنی آچمش ، بر کنجلاک وار ! .

بوراده کزیاذه نظر دقتی جلب ایدن نقطه ، هر طرفک طاقلق و طاشلق و بالنتیجه قابل زرع اراضینک آزاولسی در . یوک تارلار شویله دورسون ، قیالقلر آراسنه چیتمش دردر بشر متره لک طوپراق قسملری بیه کاملاً ایشانمش و ا کیلمشدی . بو کوچوک تارلارک ا کزینی دیک صرتلرده ، قضله میلی باماجلرده ایدی . بو تهلیکی یرلرده کوپیلرک نصل چالیشقلرینی ، قارلرینی طویوره جق ، ویرکیلرینی ویره چک پارانی قزاق ایچون نه بویوک ، مختلر غذا بار چکدکلرینی کورونجه حیرت ایتدم .

قیش قار ، یاغور و چیغ ، بودیک ، فضله میلی باماجلرده کی تارلاری آلت اوست ایدیور ، طوپراقلرینی سور و کله بوبده درده کیریورمش . نفس زمانی ، آچیلان چوقورلرک ، بوشالان یرلرک اکیله بیه چک بر حاله کتیریله سنک نه دیمک اولدیغی دوشونکر ! . . . کوپلی ، بو بوشقلری ، صرتنده طاشیدینی طوپراقله طولدریور ، سدلر یاپه رق تارلاسنی کور . صوکر ا بوقر زحمت مشکلات ایله آلدیه ایتدیکی محصولدن هم ویرکوسنی ویریور ، هم قارنی طور یور ! . دکر مک نصل دوندیکی ، صوینک زدن کلدیکی دوشونم !

یوللرده صیم صیق اورتومش و چالیشان یوک طاشیشان آنالرده راست کلدک . (هادی) یه واصل اولدق . و کیجه یی اوراده کچردک .

بایوردن حر کتمزک دردنچی کونی مرکرده واصل اولدق . « اوف » قرده کز ساحلده صولاقلی دره منصبک شرق صرتلرنده کی ته چکلر اوزرنده کوچوک ، شیرین بر قضا مرکزدر . خارجدن باقینجه بویوکه بنالری ، یشیل باغلی ، باغچه لری ایله کوزدل بر صیفه یی آندیریور . فقط بو کوزدک و بشیک ایچه کیریلنجه انسان انشراح و انبساط ایله « اووخ ! » رینه بلا اختیار اذا کار « اوف » دیمکدن منع نفس ایدم یور .

صولاقلی دردنک ، منصبده یادیغی کنیش باطاقلق ، قصبه نک هواسنی بر باد ایتمش . صیمه دن خلقلک بکرده قان قالمامش . باطاقلغه قارش یاپیله جق تدبیرلر ، تمیزلکه ایدیه چک اعتنا ایله بو وخامت ازاله ایدیه بیلیردی .

اوف ساحلده اولسنه رغماً هر درلو ترقی و عمراندن

اوسقار وایدك فكر و فلسفه لرندن :

كوزه لك ، بنم ایچین ، خارقه لرك خارقه سیدر .
یالكز سطحی نظر لر در كه ظواهره كوره حكیم ویرمزلر .
جهانك حقیقی سری مرئی اولمقدر ، غیر مرئی دكل .



بوكون متأهل کیمسه لر مجرد کیمسه لر کی و مجرد لرده
متأهلر کی یاشایورلر .



اكر برانسان حیاتی آرتیستك برطرزده قبول ایدرسه
ارنك دماغی ، قلییدر .



انسانه ناصل اولیورده بر حیوان مدرك دییورلر !
او ، حیوان مدركدن باشقه هرشیدر .



بن ، استقبالی اولان آرککلری و برماضیه صاحب
قادینلری سورم .



قادینلری تعریف ایدیگز : سرسز سفه نكس !



کیمه بر فنا قادین نامی ویریورسکیز ؟ بر آرکک ،
بونوع قادینلردن هیچ بیقماز .



برانسانك مکملیت حقیقیه سی ، مالک اولدیغی شیده .
دکل ، اونك بولندیغی حالده در .



انسانلری ایی وفناده تقسیم ایتك مناسبتسز برشیدر !
اونلر یا جازبه لیدرلر ، یا خود جان صیقیدرلر . ایشته
هپی بوقادار ! . . .



تحقیرلره اقتصاد توصیه سنده بولونمق ، هم قابا و هم ده
فقیر آمیز برشیدر ؛ بو ، آچلقدن اولمك اوزره بولونان
برکیمسه ده داها آزیه سی نصیحت ایتمکدر .



کوزه ل اولمق ایی اولمقدن ، فقط ایی اولمق چیرکین
اولمقدن اولادر .



احتراس ، عدم موفقیتك صوك التجا کاهیدر .

کونشه

یانار بیوک یورکک صدر اشتیاقده
تواضعکله ، غرورکله ، رحم وزورکله .
طوغار یاقینده پر آهنگ و پرتوان بر نسل :
ا کینلر اوستنه روح صاچیلدی نورکله .

ع.م.

کمیة اهمیتسز اولان بوزمره یی ، کیفیت اعتباریله چوق
دولغون و اولغون بولدم !

بایورد - اوف یولی ، طرزون - بایوردن
طریقندن چوق یاقیندر . وقتیه روسلرک یاپوب براقدیغی
شوسه نك بوزولن محللاری تعمیر ایدیلیر ، صوغالینک
اوستنیده زیغانده . اولدیغی کی ، قیشین مرور و عبوری
قولایلاشدیره جق ترتیبات اتحاد اولنورسه ، قارلی موسمه
آرابه ایله ایکی ویا اوچ کونده ، یازین او طومویل ایله اوچ
درت ساعت ایچنده اوفدن بایورده کک ممکندر .

ملکتمزك الكفایض و محصولدار بر قسمی اولان ،
ارضروم و حوالیسی ، شمدوفر باشلیجه یه قدر بو کنیش
منتظم بولدن ساحته ربطایتمهك اقتصادی بر کناهدر :
بایوردك بغدادیلری ایبارلرده چورورکن ، اوفده آمریکا
اونی بیورلر مش ! .

اوفك کویلری کاملاً ته پلرده ، دیک صرتلرده ،
یاماجارده در . یکدیگر لیریندن درین خط اجتماعلر بایرلره
آیرلشدر . بری برلریله مواصله لری و شوسه یه اینن
انجه کچی ایزندن باشقه یوللری یوقدر . بو وضعیت
مکتب مسأله سنی اشکال ایتمکده در . هرکون بر مکتب
آچقی ممکن دکدر . همجوار بر قاچ کویه بر مکتب
آجیلسه ، چوجوقلرک یولسزلق یوزندن کیدوب کلمی
هله قیشین بو یوک بردرد اولور . بوکا قارشى تک بر چاره
دوشونویولور ، که جداً معقول و مصیدر : بو قضاده ایلاک
ارکک و قیز یاتی مکتبلری فضلجه آچقی !

امیرارباب